

梁任公先生年譜

楊復禮編

梁任公先生年譜

辛巳仲秋閻百益題

中華民國三十年九月二十四日出版

梁任公先生年譜



編著者 楊復禮

校對者 楊敬文

印刷者 新河南日報社

非賣品

# 梁任公先生年譜目錄

(一) 凡 例

(二) 譜 前

(三) 正 譜

(四) 引用及參考書目表

# 梁任公先生年譜

楊復禮編

## 凡例

(一) 本書之宗旨——作者與譜主全無一面之識，更無若何關係，其作譜動機，蓋由於讀其書慕其人，對其學術思想，人格道德，經天緯地之遠略，經國救世之苦衷，而思有以表彰發揚之。

(二) 本書之編製——本書以譜主之活動，可分為三大時期：一、由修養至經世時期。（由生年至戊戌）二、亡命海外時期。（由己亥至辛亥）三、由參政至著述時期。（由民元至卒年）又本書所記之年月日期以舊歷為主，因在民國前譜主著述均用陰歷紀時，故據而不變；但民國後，間有用陽歷時，以不便翻查故，悉仍其舊。

(三) 本書之取材——本書上編，多據三十自述，及曼殊室戊辰筆記等。中編多取於飲冰室文集中之清議報

及新民叢報等論文。下編採其國風，庸言，大中華等報，及盾鼻集，近著第一輯等書。晚年整理國學，著述極豐，又多引用其各書之序跋。

(五) 本書之內容——一、關於節錄文章方面：凡有關於言行思想學術主張，及表現個性為人方面之文章，均應錄備錄，託出原料，揭露真相，以寓「畫我像我」之意。所引用之原文，則以引用號「」括之，如詞句有變動，即不加引用號，惟於每段下注明出處，重要者注明卷數頁數；其節錄原文之上下中間，以刪節號表示之。二、關於議論方面：因作者意見尚未成熟，不敢妄加斷語，然遇有特別感想發生時，均加按語，以表作者見解。三、關於考證方面：同一事蹟各書記載詳略不同，或年月日期不同，均細加考證辨其是非虛實，每遇此項輒加按語說明。四、關於記載時事時人（背景方面）：因譜

主與社會關係極多，故記載背景較詳，內含政治及文化兩項，於每年末附錄之；其取材多據傅運森之世界大事年表，半稟之中國六十年大事記，及各種史書之參證，為避繁雜，出處多未逐條注明，聲訴於前，以誌不敢掠美。五、關於附錄方面：本書附錄主要者為「譜前」，譜前記其先世之情狀，及生後之家況等。譜前以外應再作「譜後」，以記其卒後學說思想予後世之影響，但因譜主年代太近，諸多不便，故缺焉。此外尚有「大事年表」，「著述繫年表」，與參考及引用書目表」等附件。

(六) 本書之格式——本書為「平敘體」兼帶「綱目體」，遇事簡單之年份，即按日期先後順敘之，遇繁複者，即標示小題以醒眉目，是以年為經以事為緯之記敘法也。每年份共分三款：第一款書某代某年（歲次及西歷附載）譜主幾歲。第二款記譜主直接事蹟，第三款記譜主背景，凡政治問題之發生，文化思潮之流變，名人之生卒，名著之出版等，均載

此款。

## 世譜（譜前）

梁公名啓超，字卓如，號任公，別署飲冰室主人。

按：公之自稱名號特多，常就其時治之學而命名，而加別號。如：撰新民說時，自稱為新民子；著史傳今義時，自稱為新史氏；著外史鱗爪時，自稱為外史氏。名其著作室為飲冰室，在該室所著之文集，名曰飲冰室文集，自稱為飲冰子。查飲冰之義，本由於心腸過熱，時遭打擊，故飲冰以消滅其熾熱之心腸，故伊云：「我豈內熱歟？我將飲冰以濟之。」此其「飲冰」二字之由來。

廣東新會縣熊子鄉人。

按：人物之產生，與其所處之環境有莫大關係。

廣東何為多誕人傑也？蓋以其地靈使然。關於廣東人之特性，有公撰廣東在世界史上之位置一文，曾論及：「廣東人於地理上受此天然優勝之感化，其標準

活潑進取冒險之精神，於中國民族中稍現一特色焉。

其與內地交通，尚不如與海外交通之涉；故其人對內競爭力甚薄，而對外競爭力差強。六朝唐間，商船遠出達於紅海尚矣；即自明以來，冒萬險，犯萬難，與地球戰，與土蠻戰，卒以匹夫而作蠻夷大長於南天者，尚不乏人。」（乙新民叢報彙編）據公撰哀（父）啓

云：「粵瀕海，民俗咸剽悍，賭盜械鬥，視為常業。

……粵海濱諸縣為羣盜窟宅垂百年，吾鄉綰轂崖山之口稱最衝劇。」又公撰三子自述云：「余鄉人也，於赤縣神州，有當秦漢之交，屹然獨立羣雄之表數十年，用其他與其人，稱蠻夷大長，留英雄之名譽於歷史上之一言。於其省也，有當宋元之交，我黃帝子孫與北狄異族血戰不勝，君臣殉國，自沉崖山，留悲憤之紀念，於歷史上之一縣，是即余之故鄉也。鄉名熊子。」按：晉會縣志稱曰：熊子，恐不確，從自述。）

距崖山七里強，當西江南入海交匯之衝，其江口列島

七，而熊子宅其中央，余實中國極南之一島民也。」

（見乙丑重編飲冰室文集卷四四）

梁氏家址，移居者凡三：先由福州而南雄，次由南雄而新會定居焉。

自述云：「先世自宋末由福州徙南雄，明末由南雄徙新會，定居焉。數百年棲於山谷，族之伯叔兄弟且耕且讀，不問世事，如桃源中人。」

先代業農，祖父下始肆志於學。

據公撰悼（妻）啓云：「……啓超故貧，瀕海鄉居，世代耕且讀，數畝薄田，舉家躬耘穫以為恆。」又哀啓云：「吾家自始遷新會，十世為農，至先王父教諭公，始肆志於學。」又自述云：「顧聞父老口碑所述，吾大王父最富於陰德，力耕所獲，一粟一帛，輒以分惠諸族黨之無告者。」

高祖——□□

曾祖——□□

祖父維清字鏡泉，為府學生員，官至教諭，卒年七十四歲

自述云：『王父諱維卿，字鏡泉，爲郡生員，例

選廣文不就。』哀啓云：『教諭公自六十五歲以後，

無歲不病，兩伯母皆異宮以處，唯先君子與先慈實日

夜侍。』

祖母黎氏，公生彌一月即卒。

父寶瑛字蓮澗，以教授鄉里自給，民國五年卒。

哀啓云：『先君子……少亦治舉子業，連不得志

於有司，遂謝去，教授於鄉。不孝啓超啓勳及羣從昆

弟，自幼皆未嘗出外就傅。學業根柢，立身藩籬，一

銖一黍，咸稟先君子之遺訓也。先君子……生平不苟

言笑，跬步必衷於禮，恆情嗜好，無大小，一切屏絕

；取予之間，一介必謹。自奉至素約，終身未改其度

。……先君子之孝友陸慈，其庸德實爲人所莫能及。

……教諭公常以先君子之能治鄉事爲樂，且於諸孫

學業，責望至切；先君子日則劬勞鄉社鄉校間，夕則

就病榻，報告成績，以博歡笑，蓋十年如一日。……

……』

母趙氏，先緒十三年卒。

伯父松澗——早卒。遺子啓昌二十九歲卒。

哀啓云：『先君子篤愛之過於不孝兄弟；顧授之

學督課甚嚴，不稍姑息。學成饒於庠，才名籍甚，先

君子稍自慰，而伯蕃以二十九歲大歿，婦以哀殉。遺

三子，不數年而長次復繼天，唯幼僅存。』

叔父梅澗——亦早卒。

姑母——適趙氏。

哀啓云：『先君子同懷六人，其四早逝，唯家三

姑母適趙氏者，齒弱於先君子六歲，……而既寡居，

故數十年兄妹相依爲命，浹旬不見，則結縵不能自解

。先大伯母二十五而寡，先君子事之如母。』

妻李氏，爲貴筑京兆公李朝儀之季女，李尙書端棻之妹，

卒於民國十三年。

悼啓云：『夫人之來歸也，先母見背既六年，先

繼母長於夫人二歲耳。夫人愉愉色養，大得母歡，愛

之過所生。戊戌之難，啓超亡命海外，夫人奉翁姑，

攜弱女，避難澳門；既而隨先君省我於日本，因留寓

焉。啓超素不解治家人生產作業，又奔走轉徙，不恆

厥居；惟以著述所入給朝夕。夫人含辛茹苦，操家政

，使仰事俯蓄無飢寒。自奉極刻苦，而常撙節所餘，

以待賓客，及資助學子之貧乏者。十餘年間，心力盡

瘁焉。夫人厚於同情心，而意志堅強，遇事果斷，訓

兒女以義方，不爲姑息，兒曹七八人，幼而躬自授

讀，稍長選擇學校，稽督課業，皆夫人任之，啓超未

嘗過問也。幼弟妹三人各以十齡內外依夫人就學。：

啓超自結婚以來，常受夫人之策勵襄助，以勵自樹

立。早歲貧，無所得書，夫人輒思所以益之，記二十

一歲時，所蓄竹簡齋石印二十四史，實夫人嫁時簪珥

所易也。中歲奔走國事，屢犯險艱，夫人恆引大義鼓

其勇。……至其平日操持內政，條理整肅，啓超不以

家事嬰心，得專其心於所常務，又不俟言也。……

弟

啓勳

字仲策，爲詩詞家，著有稼軒詞疏證，詞學，海  
波詞，中國韻文之變化等書。

梁任公先生年譜

文，啓雄，字述任。

子——思成

美國彭亨大學建築學碩士，專研究中國古代建築，  
曾著世界史綱巨著。

思永哈佛大學考古學碩士。

思聰，思忠，思達，

南開大學經濟  
研究所畢業。 思禮。

女

令嫻（適周國賢。） 思莊

適吳，美國哥倫比亞  
大學圖書館學士。 思懿

燕京大學 思寧 南開大學畢業。（上據梁思成來書）

按：令嫻女士秉資聰敏，少時由公親授以經史，

繼從麥孟華潘博二君習詩古文詞，從湯漪君習政治經

濟學。藝衡館詞選即女士十七歲時所手集也。該書自

序云：「令嫻校課之暇，每嗜音樂，喜吟咏，問伊優

學爲倚聲，家大人謂是性情之所寄弗之禁也。既而麥

蛻弁世丈東游，主吾家者數月，旦夕奉手從受業。丈

既授以中外史乘掌故之概，暇輒從問文學源流之變，

丈諄諄誨不倦。令嫻家中頗有藏書，比年以來，盡讀

所有詞家專集，若選本手抄資諷誦殆二千首，乞丈更

五

爲甄別去取得若干首，……乃付剞劂，聊用自娛。」後由康南海介紹許字於西洋留學生周國賢君，周君亦粵人，曾隨康公周游十一國，各國語言均通曉，康公紀游之文，多出於周君譯述。辛亥隨康公至日本，遂與令嫻女士訂婚焉。

## 正 譜

(一) 由修養至經世時期 (由生年至戊戌)

清同治十二年癸酉 (西元一八七三) 生一歲

是年公生。據公撰三十自述云：『余生於同治癸

酉正月二十六日，實太平天國亡於金陵後十年，清大學士曾國藩卒後一年，普法戰爭後三年，而意大利建國羅馬之歲也。生一月而王母黎卒。』

鄭振鐸謂：『他生于……年……月……日，正是中國受外患最危急的一個時代，也正是西歐的科學文藝以排山倒海之勢輸入中國的時代。一切舊的東西，自日常用品以至社會政治組織，自聖經舊典，以至思想生活

，都漸漸的崩解了，被破壞了，代之而起的是一種新的外來的東西。梁氏恰生於這一個偉大的時代，爲這一個偉大時代的主角之一。』 (中國文學論集)

(附) 是年意大利進佔羅馬定爲國都，統一完成。法第三共和國成立。

同治十三年甲戌 (西元一八七四) 二歲

光緒元年乙亥 (西元一八七五) 三歲

是年公仲弟啓勳生。(自述)

常從伯姊嬉戲。梁仲策曼殊室戊辰筆記云：『伯姊長於兄三歲，故小時之戲嬉，每依伯姊。』

(附) 是年兩太后垂簾聽政。

光緒二年丙子 (西元一八七六) 四歲

公秉賦天才，聰明絕特，年四歲即受書。自述云：『四五歲就王父及母膝下受四子書詩經，夜則就睡王父榻，日與論古豪傑哲人之嘉言懿行而尤喜舉亡宋亡明國難之事，津津道之。』

(附) 是年十月清廷依李鴻章沈葆楨等之奏請，選

派福建前後學堂之學生三十名，赴英法兩國學習

機械製造工業。

光緒三年丁丑（西元一八七七）五歲

是年公初就外傳。曼殊室戊辰筆記云：『六歲就

外傳，啓蒙師乃張乙星先生，先王父仲姊之子也。』

按：梁公在十歲以前，雖如梁仲策所記，曾就外

傳，但實際還是從其祖父父親受學時居多，在我之爲

童子時一文中，有一段云：『我爲童子時，未有學校

也，我初識字，則我母教我，直至十歲，皆受學於我

祖父，我父。』則公幼時備受家庭教育可知。

光緒四年戊寅（西元一八七八）六歲

光緒五年乙卯（西元一八七九）七歲

公四歲入學，六歲即讀畢五經。是年始讀史，並

善屬對。自述云：『六歲後就父讀，授中國略史，五

經卒業。』某梁任公先生大事記云：『六七歲時塾師

以「東籬客賞陶潛菊」命對，先生應曰：「南國人思

召伯棠。』是歲次妹生，數日而殤。（高祖以下之家

譜）

（附）是年俄國退還伊犁，中國償金五百萬盧布。

光緒六年庚辰（西元一八八〇）八歲

是年公從父學爲文。自述云：『八歲學爲文。』

戊辰筆記云：『先君子屢試不得志，迨伯兄八歲時，

乃絕意進取，設教於鄉，其設教也，不過招集數兒以

伴伯兄之學而已。』

（附）是年中俄交涉，改訂伊犁條約，清廷遣會紀

澤往俄求還伊犁。

光緒七年辛巳（西元一八八一）九歲

是年公九歲，文章即有可觀。故自述云：『九歲

能綴千言。』

（附）伊犁條約成。清廷設開平鑛務局。創設公

司船，赴英貿易。

派遣留學生於英法。中國現代文學家魯迅

生。

光緒八年壬午（西元一八八二）十歲

公是年就學於邑城周惺吾先生。是歲初應童子試

，當時河內輪船未通，赴廣州應府試者，輒結伴買一舟，水程三日，同行者皆父執。一日舟中共飯時，一人指盤中鹹魚爲題，命公咏詩。公應聲曰：「太公垂釣後膠鬲舉鹽初，」滿座動容，神童之名自此始。

（戊辰筆記）

（附）是年清廷築旅順軍港船塢。設商辦織布局

於上海。英國生物學家達爾文卒年七十四歲

光緒九年癸未（西元一八八三）十一歲

是年公初見張文襄公之輅軒語和書目答問。變法

通議中論幼學云：「啓超本鄉人，惜不知學，年十一

遊坊間，得張南皮之輅軒語書目答問，歸而讀之，始

知天地間有所謂學問者。」（文集）

是年公之三弟生，五歲而殤。（高祖以下之家譜）

（附）是年德奧意三國同盟成立。德國「社會主

義」學家馬克思卒，年六十五歲。俄國「

寫實主義」文學家屠格涅夫卒，年六十五

歲。

光緒十年甲申（西元一八八四）十二歲

公至是年學大進，應試學院，補博士弟子員，周

惺吾先生曰：「吾不能教之矣。」（戊辰筆記）又自述

云：「十二歲應試學院，補博士弟子員，日治帖括，

雖心不慊之，然不知天地間於帖括外更有所謂學也。

輒埋頭鑽研。頗喜詞章，王父父母時授以唐人詩，

嗜之過於八股，家貧無書可讀，惟有史記一，網鑑易

知錄一，王父父母日以課之，故至今史記之文，能成

誦八九。（按公史學之才識，自此涵養。）父執有愛

其慧者，贈以漢書一姚氏古文辭類纂一，則大喜讀之

，卒業焉。父慈而嚴，督課之外常使之勞作，言語舉

動稍不謹，輒呵斥不少假借，常訓之曰：「汝自視乃

如常兒乎？」至今誦此語不敢忘。」

是年十月公應學政葉大卓考試時，葉擬擇其髦而

好學者二人以儀範里耶，乃試梁公以文藝，試既竣

，進而獎諭之。公因請於葉曰：「家大父今年七十矣

，弧矢之期在仲冬二十一日，竊願得先生一言爲壽，而慰吾父之孝思，且以爲宗族交遊光寵。」葉允之。

其慶壽序中有云：「子述大父之德，備聞之矣，抑予更有冀焉：在昔吳祐卓識，桓麟異才，任延爲太學聖童，祖瑩爲中書博士，劉敞能解莊子，柳偃能讀尚書，陸從典之作柳賦，顧野王之記建安，皆以十二齡童子，顯著當時，垂名後世，載在典籍，班班可攷。子如有志奉庭訓以承祖武乎，當如韓退之贈張童子，宜暫息夫其已學者，而勤勉夫其未學者，務臻於遠大，當不僅如樂安任暇之幼而多慧已也。抑吾聞之，黃雲紫口，代有偉人，能子山絕頂有凌雲塔，建自前明。……而梁氏所居茶坑，實在其下，應運而生。使乃祖乃父得遂教成之願，含飴饗饌，則由七十杖國之年，以臻百年期頤之日，其畜德之懋，後嗣之蕃，有非尋常所能希其萬一者。……區區一芹之獻，不過善端偶然發露，其興正未有艾也。啓超勉乎哉。」（節錄葉大焯鏡采梁老先生慶壽序）

## 梁任公先生年譜

（附）是年七月中國下詔與法宣戰。

光緒十一年乙酉（西元一八八五）十三歲

公是年即離家塾赴廣州，肄業於學海堂。據公著清代學術概論云：「啓超年十三，與其友陳千秋同學於學海堂，治戴段王之學，千秋所以輔益之者良厚。」又云：「嗚呼！吾之生而乾嘉學者已零落略盡，然吾十三歲肄業廣州學海堂，堂爲前總督阮元所創，以樸學教於吾鄉者也，其規模矩矱一循百年之舊。」公自此始知有段王訓詁之學，大好之，漸有棄帖括之意。（三十自述）戊辰筆記謂：是年從呂拔湖先生學。

（附）是年春與日本結天津條約。中法戰役失敗，

安南陷，清廷遣李鴻章與法議和，亦締約於天津，承認安南爲法保護國，更開雲南蒙自等處爲商埠。清廷設武備學堂於天津。

光緒十二年丙戌（西元一八八六）十四歲

是年公受學於陳梅坪先生。（戊辰筆記）

## 梁任公先生年譜

一〇

按：梁思成君致丁文江先生函曾云：『學海堂歷來學長，有金紀室陳蘭甫、黎士椿、陳梅坪、梁禹生諸先生，每月講學二次。』陳梅坪充學海堂學長，或即是在是年。故戊辰筆記謂：公受學於陳，乙酉年謂公受學於呂拔湖，則呂當時亦或在學海堂中充學長，或任教職，故云耳。

公始見張文襄公訓士之書，學識大進。公於丙申年上張文襄公書中有云：『啓超鄉曲陋學，十三以後，得讀吾師訓士之書，乃知天地間有學問之一事。』

（附）是年英併緬甸。清廷開始立台灣省。

光緒十三年丁亥（西元一八八七）十五歲

是年五月，公母趙太夫人卒，而四弟生。趙太夫人即以此次產難，以致不起。維時公正學於廣州學海堂，電報及海內輪船皆未設，專人馳報，往返須六日，乃至八日，天氣酷熱，卒以不能久待而先歿。（戊辰筆記）故自述云：『十五歲母趙太夫人見背，以四弟之產難也，余方遊學省會，而時無輪船，奔喪歸鄉，已不獲親視含殮，終天

之恨，莫此爲甚。時肄業於省會之學海堂，……以訓詁詞章課粵人者也，至是乃決舍帖括，以從事於此，不知天地間於訓詁詞章之外，更有所謂學也。』又戊辰筆記云：『十五學於廣州之石星巢先生，時石先生設教於廣府翰墨池。廣州有大書院五，最高之學府也，曰學海堂，曰菊坡精舍，曰學秀書院，曰粵華書院，曰廣雅書院，首席教授稱山長，地位最尊，督撫到任必先拜之，非宿儒不能當此席。月考有獎賞，所以養寒士也，伯兄買書之費，悉出於此，每屆年假，輒捆載而歸，以余所見：如正續皇清經解，四庫提要，四史，二十二子，百子全書，粵雅堂叢書，知不足齋叢書，皆當日之所購。』

按：公於民國元年給其女梁令嫻書中亦有：『吾少年受業於石星巢先生，此老舊學尙好，吾十六歲之知識，大概得自彼也。』等語。既肄業於學海堂，又云：從石星巢於翰墨池，蓋係一面爲學海堂之正班生，一面復從石星巢先生補習。

（附）清廷與法國續訂界務專約與商務專約。

光緒十四年戊子（西元一八八八）十六歲

是年公在學海堂爲正班生，同時又爲菊坡學秀粵華之院外生。（戊辰筆記）

梁思成致丁文江先生函曾云：『學海堂乃省城專治經學之所，學生稱專經生，與並行者菊坡書院，專治詞章。』又某君任公先生大事記云：『先生十五六歲時，爲學海堂專課生，有漢學商兌跋凡萬餘言，其文今不存矣。』又云：『學海堂不設山長，有學長八人，自阮文達時已然。宿儒如陳蘭甫候君謨林柏相譚玉生均曾爲學長。光緒十五六年間，何人爲學長則不得而知矣。有專課生，每月朔學長學生會食，並出其日記以相質正。』

（附）清慈禧后諭：明年二月歸政，立桂祥之女葉赫那拉氏爲皇后。

光緒十五年己丑（西元一八八九）十七歲

是年舉於鄉：榜列第八名。當時典試之正座，乃

梁任公先生年譜

貴州李蕊園端芬副座則福建王可莊仁塘，榜發李請王作媒以其妹字公，同時王亦懷此意，蓋王有一女公子正待字也，但李先發言，乃相視而笑。（戊辰筆記）

又李公墓誌銘云：『啓超以光緒己丑受學貴筑李公，旅培公妹，飲食教誨於公者且十年。』

是年公仍學於學海堂。據林慧如陳侶笙任公大事記云：『卓如十七歲充學海堂專課生，季課大考，四季皆第一，自有學海堂以來，文廷式外，卓如一人而已。』

（附）是年正月清德宗大婚，二月親政。

光緒十六年庚寅（西元一八九〇）十八歲

是年春公入都會試。祖父繼泉公以公年稚遠遊。頗不放心，乃命父蓮澗公攜行，至都，寓新會會館，是科下第歸。（戊辰筆記）八月隨陳通甫受業南海門。

三十自述云：『年十八計偕入京師，父以其稚也，挈與偕行，李端芬以其妹許字焉。』

按戊辰筆記與李氏定婚事，係在

## 梁任公先生年譜

一二

上年，抑或上年已經提議至是乃定行納采之禮耳。下第歸，道上海，從坊間購得

瀛寰志略讀之，始知有五大洲各國。』又云：『其秋

始交陳通甫。按公於乙酉年即與陳通甫同學於學海堂，非交自今始，或自今更加親密耳。通甫

亦肄業於學海堂，以高才生聞。通甫相語曰：『吾聞

南海康先生上書請變法不達，新從京師歸，吾往謁焉

，其學乃爲吾與子所未夢及，吾與子今得師矣。』於

是乃因通甫修弟子禮，事南海先生。時余以少年科第

，目於時流所推重之訓詁詞章學頗有所知，輒沾沾自

意。……先生乃以大海潮音，作獅子吼，取其所挾

持數百年無用舊學，更端駁詰，悉舉而摧陷廓清之。

自辰入見，及戌始退，冷水澆背，當頭一棒，一旦盡

失其故壘，惘惘然不知所從；且驚且喜，且怨且哀

，且疑且懼，與通甫聯床，竟夕不能寐。明日再謁

，請爲學方針，先生乃教以陸王心學，而並及史學西

學之梗概。自是決然舍去舊學。自退出學海堂，而間

日請業南海先生之門，生平知有學自此始。』

是年公手批四庫提要六十或八十冊，並手寫蘭亭均爲無價之寶，不知是否存在？（梁思成致了文江書）

書）

是年春公初識汪穉卿。據石星集是年致汪穉卿書

云：『兄去歲館中獲售者九人，南榜則梁啓超譚鏞，

……北榜則袁鳳書。……九人之中，以梁譚袁賴

四子爲卓犖之士，已屬其到京探知我弟寓處，一結面

緣也。』

光緒十七年辛卯（西元一八九一）十九歲

梁公學於南海，是年爲其一生學問最得力之年。

其年始交康幼博夏穗卿。冬入京師，結婚李氏。自述

云：『辛卯余年十九，南海先生始講學於萬木草堂，

按南海後移講舍於府學宮循通甫與余之請也。先生爲講

仰高祠始顏曰萬木草堂。數千年學術源流，歷史政治，沿革得失。取萬國以比例

推斷之，余與諸同學日劄記其講義，一生學問之得力

，皆在是年。先生又常爲語佛學之精奧博大，余夙根

淺薄，不能多所受。先生時方著公理通，大同學諸書

，每與通市商榷，辨晰入微，余輒侍末席，有聽受無問難，蓋知其美而不能通其故也。先生著新學偽經攷，從事校勘，著孔子改制攷，從事分纂，日課則宋元明儒學案，二十四史，文獻通攷，而草堂頗有藏書，得恣涉獵，學稍進矣。其年始交康幼博，十月入京師，結婚李氏。

是年冬入京就婚，寓宣南永先寺西街之新會館，李夫人係貴筑京兆公朝儀之季女，累代清門，家學邵茂，夫人以同治己巳生於永定河署，時年二十三，長公四歲。（戊辰筆記及悼啓）

入都結婚時，南海與陳通甫皆有贈詩，南海詩云：『道入天人際，江門風月存，小心結豪俊，內熱救黎元。憂國吾其已，乘雲世易尊，賈生正年少，洸蕩上天門。』（詩集卷三頁三）陳贈詩有四語云：『非無江湖志，跌宕恣游遺，蒼生慘流血，敵席安得煖。』

（乙丑文集卷七十詩話）

是年始交夏穗卿，在「亡友夏穗卿先生」裏述當

時情形云：『我十九歲始交夏穗卿，——我的外江老朋友裏頭，他算是第一個，初時不過草草一揖，了不相關，以後不曉得怎樣便投機起來了。我當時說的純是廣東官話，他的杭州腔，又是終身不肯改的，我們交換談話很困難，但不久就互相了解了。』

是年梁朝杰（字伯雋）來遊南海門。伯雋天才絕特，年方十四，是年即舉於鄉。當其未禮南海也，碌碌無以異於常兒，一度摩頂受禮，夙慧驟發，而尤耽於內典，在齋中終日坐禪，少年同學時或捉弄之，弗爲動。南海先生謂伯雋始有夙根者，遊戲人間耳。（見詩話）

（附）是年俄法同盟成立，以與德奧意三國同盟相抗。俄侵中國哈米爾。清廷立北洋海軍。現代文哲博士胡適之生於上海。

光緒十八年壬辰（西元一八九二）二十歲

公仍受學於康公，獲聞「大同」義，欲謀宣傳。